

Rheolaeth

MEDDYLIWCH
AMDANI

RHIFYN 9 - MAI 2005

Bydd Cyngor Rheolaeth Cymru yn gweithio gyda phartneriaid yng Nghymru a thu hwnt i hybu gwell perfformiad o ran rheoli ar bob lefel yn yr economi.

Fel rhan o'r dasg honno, rydym yn annog rheolwyr fel chi i ystyried sut gallan nhw ehangu eu galluoedd eu hunain a gwella yn eu gwaith.

Nod y daflen grynoded yma, a fydd yn cael ei chyhoeddi bob deufis, yw'ch helpu chi, a phobl debyg i chi, i ganolbwyntio yn fwy eglur ar yr heriau ymarferol sy'n eich wynebu.

Nid ydym yn honni bod yr holl atebion gennym, ond rydym yn gobeithio y bydd y cwestiynau yma'n ysgogi ystyriaeth a fydd yn ddefnyddiol i chi. Os ydych chi am roi'ch barn ar unrhyw rai o'r materion sy'n cael eu codi, cysylltwch â ni.

gwyneth.stroud
@crc-wmc.org.uk



Cyngor Rheolaeth Cymru
Wales Management Council



Pwyso a Mesur yr holl Opsiynau

Amcangyfrifir bod dros naw miliwn o sefyllfaoedd yn bosibl ar fwrdd gwyddbwyll ar ôl dim ond 3 o symudiadau gan un o'r chwaraewyr.



Sut fyddwch chi, fel rheolwr, yn sicrhau eich bod yn gwerthuso'r holl opsiynau sydd ar gael ichi cyn gwneud penderfyniadau strategol, pwysig?

Eich Gwerthu Eich Hun i'r Tîm

Darganfu arolwg newydd Buddsoddwyr mewn Pobl fod llai nag un o bob pump o weithwyr yng Nghymru yn ystyried eu pennaeth o werth i'r sefydliad a dim ond un ymhob tri yn ystyried eu pennaeth yn batrwm da i'w efelychu.



Sut ydych chi'n gwybod beth yw barn eich staff amdanoch chi, a beth fyddwch chi'n ei wneud am hyn?

Arweinwyr neu Reolwyr

Dywed Jonathan Gosling a Henry Mintzberg o Athrofa Technoleg Massachusetts nad yw rheolaeth "nag yn broffesiwn nag yn wyddor, ond yn arfer y mae angen ei werthfawrogi trwy brofiad, yn ei gyd-destun."



Ydych chi'n cytuno â hyn, ac os felly, sut all rheolwyr neu arweinwyr gyflymu eu llwybr dysgu tuag at ragoriaeth?

Yr Ychydig Detholl!

Er bod dwy ran o dair o fusnesau yng Nghymru yn darparu rhywfaint o gyfleoedd ffurfiol datblygu rheolwyr, datgelodd arolwg diweddar fod llawer o'r rhain yn canolbwyntio'u buddsoddiad ar lai na hanner y tîm rheoli.



O ystyried y gallai eich cyllideb hyfforddi fod yn un gyfyngedig, a ydych chi o'r farn ei bod yn well buddsoddi yn y rheolwyr mwyaf addawol a champus eu perfformiad na gwasgaru'r hyfforddiant ymhlith pob un o'r rheolwyr yn eich tîm.

Cymharu Nodiadau i Lawr yn y Clwb

Ystyrir bod rhwydweithio trwy glybiau, cymdeithasau ac ati yn ffordd ardderchog o ennill busnes newydd, gan ei fod yn helpu i agosáu at ddarpar gwsmeriaid ac ennill eu hymddiriedaeth.



Mae'n bur debyg y byddwch chi'n cytuno â hyn. Ond a ydych chi hefyd yn manteisio i'r eithaf ar rwydweithio fel cyfle i ddysgu, trwy ei ddefnyddio'n systematig i ddarganfod sut y bydd rheolwyr eraill yn trin y math o faterion rydych chi'n eu hwynebu yn eich busnes?

Gwefannau Rheolaeth

www.move-on.org.uk

Nodwyd bod gwella sgiliau sylfaenol y gweithlu yn flaenoriaeth uchel i reolwyr. Prosiect rhifedd a llythrennedd cenedlaethol yw Move-On, sy'n cynnig cwrs gloywi yn rhad ac am ddim i ddysgwyr newydd nad ydyn nhw'n ystyried bod angen help arnyn nhw â'u sgiliau sylfaenol. Mae cwrs rhifedd a llythrennedd rhyngweithiol ar gael, a chyn ichi awgrymu enwau pobl eraill yn eich sefydliad a allai fod am wneud hyn, rhwch gynnig arno eich hun. Mae'n darparu rhestr wirio cymhwysedd defnyddiol ar gyfer y tasgau y mae'n rhaid inni eu cyflawni bob dydd.

Tywys Cymru Tuag At Ragoriaeth ym maes Rheolaeth